



UNIVERSITÄTS-
BIBLIOTHEK
PADERBORN

Provincia Neapolitana.

[urn:nbn:de:hbz:466:1-66596](https://nbn-resolving.org/urn:nbn:de:hbz:466:1-66596)

colendam, ad pœnitentiã, Deique ultoris iram mortalibus denunciandam inuitabat. Verùm Patris nostri admonitione, minisque celestibus victa tandem errore deposito redijt in viã. Alia porrò mulier adeò exagitabatur a Satana, vt planè insaniret. Nolebat esse apud virum, a quo perhumaniter tractabatur: a sacramentorum vsu penitus abhorrebat; aliaq; multa dabat indicia insanix suæ. Hæc nostri Sacerdotis oratione adducta reuertit ad sanitatem. Iamque sacramentis confessionis & Eucharistiæ frequenter vtitur, & cum viro ac domesticis concordissimè viuit.

PROVINCIA NEAPOLITANA.



VERVNT omnino in Provincia Neapolitana socij trecēti sexaginta quatuor. In Domino Professa duo, & sexaginta. In Collegio Neapolitano centiæ & octo. In Demo Probationis vndequinquaginta. In Nolano Collegio sex & viginti, In Catacensi duodeviginti, Totidem in Consentino, Itemque in Barolitano. Vno plus in Aleatino, In Barenfi, & Salernitano quinideni. In Theatino domicilio quatuor. Aggregarunt se So-

se Societati quatuordecim, Diem obierunt
duo.

Professorum Neapolitana
Domus.

Cum Romam indicta esset Patrum Cōgre-
gatio Generalis, mirum extitit domus hu-
ius studium in Deo Societati conciliando. Nul-
lus omnino in ea fuit, qui non assiduis preci-
bus, frequentibus ieiunijs, alijsque penis vo-
luntarijs diuinum ad eam rem auxilium im-
ploraret. Ciuitati quoque vsitata Societatis
nostrae officia sunt vtiliter praestita. Sacrae Cō-
tiones non modò in tribus praecipuis Vrbs
templis; sed etiam in Praetorio habita Prore-
gis ipsius rogatu, magnaue eiusdem appro-
batione, ac uoluntate. Fructus labori par.
Octo pellices, atque vna meretrix, corrogata
a pijs hominibus dote in matrimonio collo-
cata. Remiges in triremibus (vt de alijs ta-
ceam) catechismo imbuti, Vnus qui ad Mahu-
metem descuerat, ad Christum reuocatus. Mu-
lier vnico filio orbata, vt interfectori veniam
daret, adducta. Egestati etiam plurimorum
in maxima annone inopia consultum. quippe
sepius in hebdomada mendicis amplius ducen-
tis stipis data, magna cum admiratione ciui-
tatis. Sed nobis, quod erogauimus, a pijs ho-
minibus

minibus magno cum fœnore redditum. Præter pecuniam templi ædificationi attributam, ad eius ornatum, tantum donorum est collatum, ut summam mille aureorum excederet. Illustrium feminarum, quæ ad nostrum templum ventitant, virtus sanè illustris fuit. Earum nonnullæ Bacchanalibus, cum iustis de causis interesse ludis publicis. cogerentur a viris, ita paruerunt ut D. Cecilie exemplo, extrinsecus ornata, occulto corpora cilicio domarēt. Aliæ Nosocomia subinde adeunt, ibique linteo succinctæ agrotis mulieribus cibos ministrant; Nec nisi stratis omnium lectis, inde discedunt. Fuit quæ pellices septem ad vitæ honestatem ab se conuersas cœnobio includeret. Et Deus gratam sibi esse illius pietatem cuidam alienorum factorum specularici mulieri declarauit. Hæc ex se alias æstimans, vnamq; ex illis obseruans, apud se simulatæ pietatis arguebat. Sed ipsa iniustiore reprehensionem non effugit. Visa est illi in quiete B. Maria irato vultu, ac minaci, increpans eam, atq; abserepellens, quòd cum pridie eius diei (qui dies fuerat B. Virgini sacer) Christi filij sui sacrosancto corpore abstinuisset, eam tacita cogitatione insimulasset, quæ frui maluisset; contraque illam alteram (nam adesse videbatur) B. Virgo ad se alliciebat, & simul collaudabat, quòd pie, casteque, filium suum accepisset. Noua hoc anno Sodalitas Sacerdotum inchoata bel-

ta bel-

ta belle procedit. Procerum, ac nobilium altera est sodalitas florentissima, de qua scriptum est alias. Huius hoc anno, & benignitas & virtus uel maximè enituit, Aureos mille octingentos ad subsidium pauperum Sodales erogarunt, multisque, qui necessitate adducti filiarum pudicitiam prodere cogitabant, subuenerunt, in quibus subleuarunt etiam egestatem unius, qui desperata salute se orco deuouerat: eumque ad spem salutis erexerunt. Duae item meretrices a turpi quaestu eorum opera abductae, & altera cum viro reducta in gratiam, altera Deo in conuersarum cœnobio consecrata. Horum liberalitatem Deo esse gratam acceptamque, & ingenti cum fœnore redditum iri, quod dedissent, memorabili documento intellectum est. Pater qui Sodalitati præest, Sodales ad benignitatem in pauperes inflammans, trito, vulgatoque vsus erat argumento, benignos centuplum recepturos. Sub sermonem unus e sodalibus aureum nummum in aream coniecerat, huic postero die sacerdos quidem unum & centum aureos ex restituta in confessione pecunia numerauit. Visus est Christus Patris illius, aut suam potius uocem comprobasse. Tertia item Sodalitas opificum & plebeiorum uirtute & pietate auctior fuit. Ex uno fiet de cæteris coniectura. Lanista erat quidam nobilis, & quidem uitæ liberiori assuetus. Is sodalitati adscriptus, incredibile dictum est,

dictu est, quàm sui dissimilis extiterit, quantoque breui fecerit in virtute processus, longum esset singula consuetari; ex multis pauca perstringam. Cilicio assidue corpus affligebat; Flagris ad sanguinè sæpius in hebdomada cadebat; ternarum quotidie horarum precationibus animum ad pietatem excolebat. Nec tamen nobilibus adolescentibus, qui se illi in disciplinam dederant, in armorum ludo vnquam deerat; sed artis suæ quæstu verecundam honestorum hominum inopiam subleuabat. conuicijs, & cõtumelijs malè acceptus gestiebat. Nullis imbribus, aut tempestatibus deterrebatur, quo minus sacras ædes obiret. Diuorum omnium, qui ei Calendis cuiusque mensis per septem annos (tãdiu enim in Sodalitatè fuit) patroni obuenerant, memoriam, & clientelam diligentissimè custodiebat. Ad extremum, cum in morbum incidisset, ex quo est mortuus, nunquam a mulieribus, quæ agrotanti præsto erant, attingi se passus est. Orantibus Deum domesticis, & amicis, vt sanum illum redderet, bonum potius, inquebat. Quamdiu cum morbo, ac morte luctatus est, cum Deo, sanctissimaque eius parente, quam velut præsentem alloquebatur, identidem ingenti animi sensu sermocinabatur. Funus eius à Sodalibus maximo honore celebratum est. Cilicium summis omnium studijs expetitum, præmium in virtutis stadio currentibus propositum diceret.

Iam verò nostrorum secūdum Deum beneficio, multi qui nocturnis, diurnisque spectris miserè agitabantur, facta totius vitæ confessione, illam molestiam depulerūt. Septem ad varias religiosorum hominum familias se aggregarunt. Sexdecim mulieres a meretricia vita ad honestam traductæ. ex hoc numero sex viris recōciliatæ, quatuor in cœnobijs Christo dicatæ. Puella, quæ fratri in suspicionem violati pudoris venerat, vitæ, fameque periculo est exempta. Mulier, quæ natalem Christi diem execrata corruerat exanimis, admoto sacro globulo, & I E S U nomine implorato restituta est sanitati. Alia quæ se energumenam simulabat, ad sacram confessionem perducta, & simulatione destitit, & vitam instituit meliorem. Adolescens nobilis periculosè egrotas ullam sibi sacræ confessionis mentionem fieri vetuerat. is ab vno e nostris denunciatione imminentiæ mortis perterrefactus, & ritè expiatus, paulò post fiduciæ plenus excessit è vita. Sicarius magna vi pecuniæ ad facinus impulsus, dum equitem ad eadem querit, in nostram eadem forte diuertit; Ibi sacerdotis nostri, in quem inciderat, oratione ad confitenda peccata inductus, non modo cædis consiliū deposuit, sed etiam facinoris socios, quos ad struendas equiti illi insidias præmiserat a scelere renouauit. Flagitiosa fœmina mali demonis sibi eam vindicantis aspectu conterrita,

S. Ni-

NEAPOLITANA. 38

S. Nicolai (cuius oblata in illo discrimine species erat) admonitu, sacerdotem nostrum accersiri iussit, eique rite confessa honestæ vitæ consilium cepit.

Collegium Neapolitanum.

Magnifica Stilianæ Principis sumptu præmia cum eleganti dramate data mirum in modum, & auditorum nostrorum studia inflammavunt, & Gymnasij nomen illustrarunt. Vtraque Academia Parthenia tum litteris, tum virtute præstat. Ex maiore octo ad Societatem nostrâ, duo & viginti ad alias religiosorum hominum disciplinas se contulerunt. Maior octo, Minor tres adhuc peperis Societati, plures parturit. Complures eorum, ut præcipuo studio B. Mariam colunt, præcipuum eius sunt patrocinium experti. Unus cum a Sicario per errorem vulneribus conficeretur, aduersus ferrum, quo identidem petebatur, B. Mariæ nomen opposuit, Mirum dictu. pro mortuo relictus, vestimento pluribus locis perfosso, ipse intactus euasit, ne leuiter quidâ cute perstricta. Alter ruentis impetu plaustrî prostratus B. Virginem inuocauit. Nec frustra; alterum crus, quod Rota obtritum credebatur, incolume subtrahit. Ex eodem numero alius, qui septimum iam annum ex oculo grauius laborabat, deniq; humanis remedijs fru-

Ara tentatis, ad diuina confugit. Ergo dum
 enixè Deiparæ Virginis opem magna spe ere-
 ctus implorat, globulum instar ciceris, ex ocu-
 lo eijcit: ac repentè optatam recuperat uale-
 tudinem. Porro alius cum in uinculis habere-
 tur, propediem, ut credebat, morte multandus;
 B. Mariæ, quam vnice colebat, auxilium im-
 plorauit, Nec frustratè eum sunt preces. Sub-
 inde anxium cura animum somnus occupat.
 Per quietem Virginis eximia pulchritudine
 species offertur, quæ illum bono animo esse in-
 sum Iudici commendaret, imperans, vt eum
 quam primum crimine absolueret. Nisum eue-
 nus comprobauit. Haud ita multo post ab illo
 ipso Iudice, quem in somnis uiderat, absolui-
 tur. Opificum Sodalitas incredibiliter est au-
 cta. Sodales sunt ad octingentos, quatuor in
 classes diuisi. præter ceterum sexaginta pueros,
 qui separatim christianæ doctrinæ rudimentis
 instituuntur. Dicit vix potest, quantos in vir-
 tutibus progressus faciant. Illud egregium,
 quod plerique eorum alios ad piæ vitæ institu-
 tum alliciunt, duces, magistrique virtutis Bac-
 chanalibus quadraginta horarum supplica-
 tionem bis nō modo as siduis precibus, sed etiã
 tergorum verberationibus celebrant. Quip-
 pe vtraque supplicatione sodales facile sexa-
 geni lintea veste de more induti flagellis terga
 strenuè ceciderunt. Ex hoc numero quindecim
 hoc anno religiosa vitæ genus amplexi. Cui-

dam

dam ex his mirabile quiddam euenit. Grauis morbo afflictus iacebat; iamque eius salus a medicis penè desperata erat, cum visus est illi in quiete eximia forma puer, qui manu eius prehensa; bonumque animū habere iussit, fore predicat, vt breui conualescat. Visum fuisse, non somnium ostendit euentus. Simulatq; somno experctus est, morbo leuari primum eger, deinde sensim liberari, quoad breui planè conualuit. Alius Turcam moribundum, & in auita superstitione obstinatum adortus, peruenit denique; vt Mahomete deserto ad Christi signa transfiret. Ita baptismo lustratus euolauit in cælum. Iudæus item vnus a nostris ad Christi ouile est aggregatus. Turca quidam malo doctus tandem christiana sacra suscepit; Is luce veritatis oblata, ad Christi fidem se conferre cogitabat: Sed ueteris uitæ licentia eum a saluari consilio deterrebat. Dum incertus animi hæret, in ipso portu e puppi delabatur in mare. Gurgite haustus cum ne multo quidem tempore intermisso existeret, pro mortuo habebatur a nautis. At ille dum in profundo demersus hæret, B. Franciscum a Paula, quem sæpe numero in periculis a Christianis inuocari solitum meminerat, fidenter implorat. Repente ille adfuit periclitanti, & manu prehensum in tuto collocauit. Ibi Turca admirandus cælum suspicere, cælestè auxilium predicare, baptismum flagitare. Igitur a nostris

christiana mysteria satis edoctus baptizatur. Tanta autem in illo adhuc catechumeno christiana perfectionis studium extitit, ut Christianos ipsos, si quos aut rixantes inter se offendisset, aut impia verba iactantes, grauius obiurgaret. Ad eum haec illi uitia christiano homine indigna videbantur. Nec nostris domesticum virtutis incitamentum defuit. P. Andreas Viuus Theologiae Doctor magnis cum in omni vita, tum uero in curatione morbi datis egregiarum virtutum documentis, est mortuus. In morte autem quiddam memorabile accidit. Dum moribundus animam agit, repente oculos, quos diu compressos habuerat, aperuit: ex hilaratoque vultu, intuenti similis aliquam speciem, qua mirifice delectaretur, in eundisimè efflauit animam, non secus, ac si in pace, in id ipsum dormiret, ac requiesceret.

Domus probationis.

Sensit haec domus diuinam prouidentiam haud leuibus argumentis. Eius inopia a Prorege Neapolitano quadringentis, a matrona primaria ducentis nummis aureis subleuata est, & miserabile aequè, ac memorabile Tyronis vnius exemplo reliquorum constantia confirmata. Adolescentulus is erat nobilis, qui tribus ferè mensibus in Societate nostra sine laude exactis, repente commutata uoluntate

tate discescit. Itaque haud ita multo post, voluptatum illecebris irretitus muliercula cuiusdam rogatu in conspectu domus nostrae interficitur, ut locus ipse exitij omnes de exitij causa admoneret. Et morte horribilior vita exitus fuit. ne confessione quidem expiatus interiit. Et si enim illicò sacerdos nostris vocatus adfuit, tamen animam iam efflanti non quantum voluit, sed quatenus licuit, opem tulit. Cadaver tamen in templum nostrum illatum ad sepulturam; ita qui nobiscum incolumis perseverare noluerat, ad nos relatus est mortuus, non sine fame, ac fortassis etiam anima iactura. At Turca præclara indole adolescens apud nos Christianis mysteriis imbutus, egregia in nostris suspexit exempla christianæ virtutis. Christianus igitur factus, et a Proregis filio in numerum suorum asseclarum adscitus, omnibus est innocentie, ac sanctitatis exemplum. Ad hæc commemorare alijs solet, ea se apud nos observasse argumenta singularis cuiusdam humanitatis, caritatisque christianæ, quæ facile possent Turcas omnes, si ea experirentur, ad Christi fidem adducere.

Collegium Nolanum.

Templum hoc anno duobus est auctum sacellis, et quidem ornatis opere marmurato. Sacra item supellex, atque instrumentum

vasculis argenteis, & altarium vestibus au-
 Elius redditum. Concionator noster non viuis
 solum, sed etiam mortuis præclare consuluit.
 Eius hortatu matronæ aliquot hoc susceperunt,
 vt bina quotidie sacra pro ijs, qui purgatorio
 igni expiantur, facienda curarent, & quo id
 subsidium presentius foret, electa ad eam rem
 ara Pontificali beneficio prædita, ad mortuo-
 rum animas subleuandas. Ex Sodalitate B.
 Virginis duo se Societati adiunxerunt. In alijs
 quoque operâ vtiliter collocata. Res omnis
 ex vno exemplo intelligetur. Virgo erat, quæ,
 & si dotis expers incredibili nuptiarum amo-
 re flagrabat: neque ab ea sententiâ cuiusquam
 opera abduci poterat. Hæc cum B. P. N. Igna-
 tiy meditationibus per aliquot dies animum
 excoluisset, repente ita mutata est, vt Deo vir-
 ginitatem deuoueret. Ergo corpus suum vo-
 luntarijs pœnis afflictere, precibus instare, pie-
 tatem ex animo colere cœpit, in eoque vita in-
 stituto perstat non sine opinione sanctitatis.
 Nostrorum autem industria manauit etiâ fo-
 ras. Sacerdos e nostris Stabijs (oppidum est
 Nola proximum) ad reconciliandos inter se
 duos fratres profectis, incidit propè in sum-
 mum ciuitatis illius certamen, atq; discrimẽ.
 Episcopus de cœnobijs quibusdam Sacrarum
 Virginum cum Ciuitate vehementius discer-
 ptabat, iamque res eò erat adducta, vt perpe-
 tua inter eos inimicitia, magnaue ciuitatis
 incom-

incommoda timerentur. Hic ille noster ita se-
 gesit, ut non modò fratres illos, quorum cau-
 sa venerat, ad pristinam caritatem reuocaret;
 sed etiam episcopum & ciuitatē sublata con-
 trouersia in concordiam adduceret. Ea res ita
 grata omnibus accidit, ut pacificationem fe-
 sto campanarum omnium sono celebrari pla-
 cuerit.

Collegium Catacense, & Aletinum.

IN Collegio Catacensi B. Mariæ Sodali-
 tas, quæ maximo sodalium numero extin-
 cto, interciderat hoc anno restituta est. Egre-
 gia in templo ornando liberalitas primariarū
 seminarum extitit, quæ ingentem pecuniam
 contulerunt ad B. Mariæ sacellum quàm pul-
 cherrimè exornandum. In templo Urbis ma-
 ximo Doctrina Christiana ab vno e nostris ex-
 plicari cepta magna Episcopi voluntate. Quæ
 res, ut sit conspectior, ac celebrior, instituitur
 diebus festis puerorum supplicatio ab æde no-
 stra, prelato de more vexillo. Iustratum itidē
 est propinquum oppidum, vbi cum alia multa
 piè utiliterque gesta; tum verò complures mu-
 lierculæ a flagitiosa uita ad honestatem tradu-
 ctæ. Itum etiam Cardinalis Sanctæ Seuerinæ
 rogatu, ad Abbatiam huius regionis: paræ-
 tiæque

ciaque eius omnes, quas plurimas habet, ob-
 i. e. curatumque vt cum nonnullis locis sacro-
 sancta Eucharistia lignea pixide asseruaretur,
 deinde includeretur argento. Parochi etiam
 multis rebus adiuti.

In Collegio Aletino insignis nostrorum in-
 odys, simultatibusque tollendis industria exti-
 tit. Complures a destinata cedis consilio deder-
 riti. In his vnus, qui magnam a viro nobili pe-
 cuniam acceperat, vt communem inimicum
 de medio tolleret, nostri Sacerdotis hortatu, nõ
 modo argentum illi restituit: sed etiã cum ini-
 mico redijt in gratiam. Ad egrotos ac mo-
 ribundos vel interdium, vel noctu tam crebrò
 nostri vocantur, vt una nocte eadem penè ho-
 ra deni sacerdotes euocati ad egrorum domos
 adirent. Tenera etas christiane disciplina ru-
 dimentis adeò diligenter excolitur, vt tota pe-
 nè Vrbs talibus carminibus personet. Multa
 etiam mancipia, quæ a Mahomete ad Chri-
 stum se transferre statuerant, christianis my-
 sterijs instituta. Aethiopiſa quoque mira
 prorsus ratione ad Christum adducta est. Hæc
 Mahometi addicta a Christiana Religione pe-
 nitus abhorrebat, vt ne uoces quidem hortan-
 tium æquis auribus ferret. Sorte quadam di-
 uinitus euenit, vt Sacerdos noster cū eius Do-
 minum cōuenisset, in seruam illã incidere, qui
 eam conspicatus, benigne rogat, velit ne fieri
 christiana. Illa diuinitus tacta, repenti submis-
 sis

sis ante sacerdotem, quem nunquam antea vi-
 derat, genibus, & libenter quidem se uelle, re-
 spondit. Ita breui instituta est, baptismoque
 lustrata. Nostrorum industrię ciuitas pari li-
 beralitate respondit. Multi frumentum, alij
 alias res ad victum, cultumque corporis ne-
 cessarias submiserunt. Pia mulier nummos au-
 reos mille legauit. Ad templi ornatum bina
 candelabra argentea perfecta: bini item cum
 pollubro vrceoli ex argento; velumque aureū
 calicis permagni pretij accesserunt. Gymna-
 sium strenuē edificatur. Tres adhuc exedra
 absolutæ sunt, & pecunia ad sumptum suppe-
 tit. Ciuis, cuius filius nostræ disciplinæ alum-
 nus e vita decesserat, aureos ducentos nobis at-
 tribuit. Sodalitas B. Virginis christianarum
 virtutum laude præstat. Sodalis erat quidam
 nobilitate pariter, ac dignitate inter cæteros
 eminens. Is contumeliosis improbi hominis
 litteris notatus, tantam moderationem animi
 præ se tulit, vt neque ipse iniuriarum ageret,
 & Iudicem magnopere rogaret, vt nullum su-
 per ea re verbum fieri pateretur. Sacerdotum
 quoque sodalitas floret in dies magis. Ex his
 vnus Societati nostræ nomen dedit. Alter
 morti proximus bina candelabra argentea,
 sacerdotalemque ornatum (quę facile octogin-
 ta aureis æstimantur) Collegio nostro reliquit.
 Nec domi solum res bene gesta, sed etiam fo-
 rus. Sacerdos ad oppidum satis magnum ac no-
 bile

bile

bile profectus, tatis oppidanorum studijs exceptus est, vt eum vulgò diuinitus missum esse predicarent. Nec spem eorum fefellit. Populus duas in partes diuisus de creandis magistratibus per viginti fermè annos dissidebat. omnia odijs, simultatibus, inimicitijsque plena erant, sic vt bellū ciuile geri videretur. Noster ergo a bene sentientibus de Republica ciuibus edoctus, in concionem ascendit, & cōcordiæ commodis commemoratis, oppidanos graui oratione ad pacem, concordiamq; reuocauit, incredibili omnium letitia & gaudio. Ad Urbem aliam sacerdos alter accersitus, vt viro nobili animam agenti in vltimo illo certamine præsto esset, & simul eius parētem, qui paulò ante alterum filium amiserat, consolaretur: vtrūque Deo iuuante egregiè præstitit. Nam moribundus ille ita alacer e vita discessit, vt diceret per nostrum sacerdotem patefactum sibi iter in cœlum. Pater autem senex, etsi per idem tempus duobus orbatu filijs, ita sacerdotis nostri oratione confirmatus est, vt magna omnium admiratione se in publicum daret. Porro alius sacerdos in alia Vrbe sanè nobili, obeundis Societatis nostrę muneribus ita se gessit, vt ciues de excitando Societati Collegio magnopere agitarent.

Collegium Bariense, & Bariolanum.

Novus Barij Archiepiscopus ab vno e nostris in maximo Urbis templo oratione pereleganti exceptus, paucis post diebus Collegium sua presentia cohonestavit, familiariter est pransus. Itum a prandio ad scholas. Ibi post breuem Magistri salutationem ecloga data est sanè festiva. Hanc epigrammatum, aliorumque carminum vis ingens consecuta. & Antistes grata sibi omnia accidisse affirmavit. Sodales B. Virginis sedem suā magno sumptu adeò eleganter ornarunt, vt ipsa species ad pietatem inuitet. Sacramentorum fructus etiam in cæteris extitit. Mulier horrendis Daemonum spectris agitata Sacramentorum beneficio quietam iam vitam agit. Domus occursum & importunitate mali Demonis infesta, sacerdotis nostri opera est liberata. Famina cuiusdam nostro Sacerdoti confiteri assuetæ non pudor solum, sed pro pudore animus virilis enituit. Ab impuro homine ad flagitium vehementer sollicitata, ita illum calcibus, ac pugnis accepit, vt ex eius manibus male mulctatus aufugeret, illum feminam, hanc virum esse dices. Curatum etiam, ac
 per-

perfectum est, ut externi Magistri discipulos ad nos singulis mensibus confessionis causa mitterent.

In Bariolano Collegio maleuolorum calumnijs laboratum est, sed infamia in gloriam vertit. Erat Ciuitas falsis quorundam criminibus a nostris ab alienata. Commodissimum visum est factis dicta refellere. Nec occasio defuit; Aestas excepit frequentibus, & grauibus infesta morbis. Ergo nostri agris plebeys æque ac nobilibus nullo tempore, nullo loco desse, afflictos excitare, confitentes audire, morientibus præsto esse, nulli labori, aut incommodo parcere. Et hæc nostra tam difficili eorum tempore sedulitas hoc erat illustrior, quòd cæteri se subtrahebant. Itaque his rebus non modò aduersariorū impudentia refutata est, sed magna etiam nostris conciliata opinio sanctitatis, prorsus ut eos vulgò patres sanctos appellarent. Benignitas quoq; in nos excitata multorum. Nostris alendis magna vis tritici, hordei que donata, templo ornando lychni argentei, candelabra inaurata, aliaque ornamenta minimè contemnenda. Sodalitas interim B. Virginis duplex instituta. Altera discipulorum, ac nobilium; opificum & rusticorum altera. Vtriusque & numerus, & pietatis studium crescit in dies. Sacramenta Confessionis, & Eucharistiæ in oppido frequentari sunt cepta: Maximè verò ab adolescentulis; paren-

rum enim socordia pueri etiam senum demū.
 annorum ab Christi corpore abstinebant. Iam-
 que non solum a ludis, & computationibus,
 quibus assueuerant, abhorrent; sed piorum ser-
 monum frequentia, sacrorum mysteriorum
 usu magnopere delectantur. Aegros, uinctos,
 honestas mulieres inopia laborantes omni ope-
 ra, atq; opera iuuant. Hæc & alia Sodalium
 benignitatis officia, & quia per se illustra-
 sunt, & quia proficiuntur ab ijs, qui prius
 alia omnia cogitabant, oppidanorum in se ocu-
 los, animosque conuertunt. Et eorum admira-
 tio in Societatis, Deique laudem redūdat. Duo
 oppidani primarij capitali odio inter se dissi-
 dentes, nostrorum opera condonatis ob Chri-
 sti amorem iniurijs, in gratiam redierunt.

Collegium Consentinum.

Archiepiscopi, Clerique rogatu de chri-
 stianis officijs instituta prelectio audi-
 toribus floret. Duo noua sodalitia inchoata
 sunt; Clericorum vnum, Alterum honesto-
 rum ciuium. Vtriusque constitit fructus.
 Summa ad sacram Concionem ventitantium
 frequentia fuit: & omnium propemodum au-
 ditorum. totius vitæ confessiones audite, ma-
 ximo quidem sacerdotum nostrorum labore;
 sed laboris assiduitatem fructus magnitudo
 superauit. Confluentium ex vicinis locis ad

nos exoneranda conscientiae causa tanta vis fuit; ut non nulli vix octavo post die voti compotes fierent. Concionatoris uoce malis civium moribus occursum est. Perfectum etiam ut Virgines festis diebus ex praestripto Ecclesiae intersiat rei divinae: ne mulieres in suorum funere faciem lacerent. Iniquae praeterea factiones tota ferè Urbe rescissae: male parta pecunia restituta. Reconciliatae familiae duae, quas cognatione coniunctas odium non modo distraxerat, sed in mutuam caedem armauerat. Multorum etiam inimicitiae in amicitiam versa. Sacerdos in finitimum oppidum profectus sermones habuit ad populum; catechismumque rudibus tradidit incredibili plausu, fructuque. Idem instituit primorum civium Sodalitatem ad officia pietatis. Implacabile multorum odium, quod in grauem caedem erupturum videbatur, Deo bene iuuante sedauit: efferata oppidanorum ingenia mitigauit, atque ad christianam normam direxit. Vir non ignobilis ab alio in multorum conspectu percussus, alapam osculo vltus est. Huius exemplum sequutus est alter e prima nobilitate. Cognati duo, quorum alter alteri pestem moliebatur, in pristinam caritatem restituti. Feneratorum non pauci ab instituto reuocati: res, quae mala fide possidebantur, dominis reddita. Alter Sacerdos in alia finitima oppida digressus paucis diebus tres Sodalitates piorum constituit:

tuit:

NEAPOLITANA. 65

guit: meretricem ad honestam vitā traduxit; efficit, vt tres mulieres a flagitiosa vita abducta (in quibus illustris femina erat) in matrimonium ab amatoribus ducerentur. Itemque vt puella, cuius causa riuales ad arma venerant, dote ab Archiepiscopo, alijsque curata, honestè collocaretur.

Collegium Salernitanum, & Domicilium Theatinum.

AD tria B. Mariæ Sodalitia, quorum vnū nobilitatis, discipulorum alterum, tertium opificum, hoc anno quartum accessit eorum, qui Iuri civili, & Philosophiæ in publico Gymnasio student, Et in sodalibus excolendis fructus extitit labori par. E sodalitate discipulorum vnus ad nostram, alter ad Capucinarum disciplinam se recepit; Idem expetunt plurimi. Ciuitatis erga nos beneuolentiam dona ad templi ornatum complura, eaque opulenta declarant. Sacrarum Virginum cenobia duo Archiepiscopi rogatu, confessione a nobis expiata: nec sine fructu. Vnus a consilio cædis reuocatus. Femina primaria mortem urgente cum impetrasset, vt uiaticum a nostro Sacerdotè acciperet, continuo melius habere cœpit. Dux Nucerinus cum graui morbo vrgeretur, sacerdotè nostrum Salerno Nu-

E ceriam

ceriam accersitum apud se habuit, quoad illo
ultimo certamine ritè defunctus ad caelestia
præmia euocaretur. Theate vrbs est samnitix
in primis nobilis. hic Domicilium Societatis a
Donato Alucio ciuè Theatino institutum est.
Collegium futurum, vbi vectigal septingeno-
rum aureorum ab illo ad eam rem testamento
relictum ad idoneam summam peruenerit. In-
terim pauci e nostris, qui inibi versatur, ope-
ram ciuitati nauant. Ciuitas porrò ducentorū
aureorum accessionem in annos singulos futu-
ro Collegio destinauit.

P R O V I N C I A M E D I O L A N E N S I S.



N Prouincia Mediolanensi sum-
ma nostrorum fuit ad ducentos
triginta tres. In Domo Profes-
sorum versati sunt sex & trigin-
ta. In Collegio Brerano sexagin-
ta quatuor. In Genuensi vnus & triginta.
Vno minus in Taurinensi. In Comensi duode-
cim. Vno plus in Vercellensi. In Domo proba-
tionis Aronensi quadraginta quinque. Ceteri
in Domicilio Alexandrino. Extincti sunt om-
nino duo. horum detrimentum sarserunt in
Societatem asciti viginti.

Pro-